

OKVIRNI SPORAZUM o pružanju usluga

I SPORAZUMNE STRANE

Arhitektonski fakultet u Sarajevu

Sjedište: Patriotske lige br.30, 71000 Sarajevo

Kojeg zastupa prof. mr. Mevludin Zečević

Identifikacijski broj: 4200192800009

(u daljem tekstu: Naručilac)

i

Triglav osiguranje dd Sarajevo

Sjedište: Dolina br.8, 71000 Sarajevo

Kojeg zastupa izvršni direktor Edin Muftić

Identifikacijski broj: 4200247470003

Identifikacijski broj obveznika PDV-a: 200247470003

Transakcijski broj banke, ime i sjedište banke: 132731 12556391 NLB Tuzlanska Banka d.d. Tuzla (u daljem tekstu: Izvršilac)

II PREDMET SPORAZUMA

Član 1.

Predmet ovog Sporazuma je pružanje usluga osiguranja studenata od posljedica nesretnog slučaja Arhitektonskog fakulteta u Sarajevu u periodu od 12 mjeseci počev od dana stupanja ovog Sporazuma na snagu, a prema Tenderskoj dokumentaciji Naručioca i Ponudi Izvršioca broj 08-13700/17 od 20.09.2017. godine, koji su u prilogu ovog Sporazuma i čine njegov sastavni dio.

Član 2.

Osiguranje studenta od posljedica nesretnog slučaja (nezgode) obuhvaćeni su svi studenti, prema službenoj evidenciji Naručioca svih 24 časa dnevno, za vrijeme nastave i raspusta, kod kuće, svuda i na svakom mjestu za sve vrijeme važenja sporazuma.

Član 3.

(1) Osiguranje od posljedica nesretnog slučaja obuhvata:

- smrt usljed nesretnog slučaja - nezgode – ugovorena suma 3.000,00 KM i predstavlja iznos koji se isplaćuje korisniku osiguranja;
- smrt usljed bolesti (prirodna smrt) - ugovorena suma, iznos od 500,00 KM koju osiguravač isplaćuje korisniku osiguranja.;
- trajni invaliditet - trajni gubitak opšte radne sposobnosti, koji je posljedica nesretnog slučaja, ugovorena suma od 6.000,00 KM, a ljekarska komisija ga određuje u % na osnovu medicinske dokumentacije po završenom liječenju. Osigurana suma predstavlja osnovicu za obračun naknade, koja se izračunava u visini utvrđenog procenta djelimičnog invaliditeta.
- dnevna naknada - ugovorena suma 3,00 KM, je ugovoreni iznos koji osiguravač isplaćuje osiguraniku za sve dane trajanja privremene nesposobnosti za rad, nastale usljed nesretnog slučaja, na osnovu ljekarskog izvještaja, ali najviše za 200 dana;
- troškovi liječenja - ugovorena suma 500,00 KM, ukoliko je posljedica nesretnog slučaja narušenje zdravlja koje zahtjeva ljekarsku pomoć i ako je imao troškove liječenja.

(2) Osiguravač ima obavezu kada nastupi osigurani slučaj, da isplati osiguranu sumu i to:

- cijelu osiguranu sumu za slučaj smrti od bolesti i nezgode ili potpuni invaliditet;
- procenat od osigurane sume ugovorene za invaliditet, koji odgovara procentu djelimičnog invaliditeta, određenog po završetku liječenja;
- troškove liječenja, ako je osiguraniku usljed nesretnog slučaja bila potrebna ljekarska pomoć i ako je imao troškove liječenja;
- dnevna naknada, u ugovorenom iznosu kaje se osiguraniku plaća za sve dane trajanja privremene nesposobnosti za rad, nastale usljed nezgode, a najviše za 200 dana.

(3) Obaveze ugovornih strana regulisane su uslovima koji su sastavni dio ovog ugovora i to:

- Opći uvjeti za osiguranje osoba od posljedica nesretnog slučaja (nezgode)
- Dopunski uvjeti za osiguranje studenata od posljedica nesretnog slučaja (nezgode)
- Tabela za određivanje procenta trajnog gubitka radne sposobnosti (invaliditeta) osiguranika kao posljedice nesretnog slučaja (nezgode)

Član 4.

Za koordinaciju operativnih aktivnosti na realizaciji ovog Sporazuma, na način i u ugovorenim rokovima, imenuju se:

- za Naručioca: Indina Agić, 033/2226-530;
- za Izvršioca: Admira Beirović, 033/ 563-959.

IV CIJENA I NAČIN PLAĆANJA

Član 5.

(1) Okvirni sporazum se zaključuje sa ukupnom procijenjenom vrijednosti u iznosu do 3.500,00 KM (trihiljadepetstotina i 00/100 konvertibilnihmaraka) bez PDV-a.

(2) Korisnik usluga (osiguranik) se obavezuje da premiju osiguranja u iznosu od po 5,00 KM po studentu plaća osiguravaču mjesečno po ispostavljenim fakturama, u jednakim mjesečnim ratama.

(3) Ukoliko Izvršilac ne izvrši ugovorene obaveze u ugovorenom roku, dužan je na ime ugovorne kazne fakturu za izvršenu uslugu umanjiti za iznos od po 50,00 KM od ukupno ugovorenog iznosa za svaki započeti dan kašnjenja do izvršenja ugovora, a najviše do 10% od ukupno ugovorenog iznosa.

Član 6.

Ugovorne strane su saglasne da se osiguranje sprovodi radi zaštite onih ugovornih interesa za koje je osiguravač izdao i osiguraniku predao polis osiguranja.

Član 7.

Osiguranik je dužan da tokom trajanja osiguranja:

- obavještava osiguravača o svim okolnostima koje utiču na promjenu rizika koji je obuhvaćen osiguranjem,
- obavijesti osiguravača o nastupanju osiguranog slučaja.

Član 8.

Osiguravač je dužan da po nastanku osiguranog slučaja pruži osiguraniku pravovremenu efikasnu uslugu pri procjeni i isplati naknadu na osnovu ugovorenih iznosa i uslova osiguranja. Osiguravač isplaćuje osiguranu sumu, odnosno njen odgovarajući dio ili ugovorenu naknadu osiguraniku, odnosno korisniku, u roku od 30 (trideset) dana od dana kada je primio dokaze o postojanju visine obaveze.



Član 9.

Ugovorne strane su dužne da se ponašaju u skladu sa Opštim i Posebnim uslovima za osiguranje lica od posljedica nesretnog slučaja (nezgode), koji su dati na uvid Korisniku usluga – Osiguraniku i čine sastavni dio ovog Ugovora.

V STUPANJE NA SNAGU I RJEŠAVANJE SPOROVA

Član 10.

(1) Ovaj Sporazum stupa na snagu danom obostranog potpisivanja a zaključuje na period od 12 mjeseci.

(2) U ugovornom periodu, sporazumne strane imaju pravo da za predmet sporazuma opisan u članu 1. ovog okvirnog sporazuma zaključuju pojedinačne ugovore po potrebi bez primjene postupaka utvrđenih u Zakonu o javnim nabavkama, u pogledu svakog od ugovora koji su zaključeni po osnovu ovog okvirnog sporazuma.

Član 11.

Svaka ugovorna strana može pokrenuti postupak raskida ugovora ako druga strana ne izvršava preuzete utvrđene obaveze, uz otkazni rok od 15 dana.

Član 12.

Eventualno nastale sporove pri realizaciji ovog ugovora, ugovorne strane će rješavati mirnim putem, u protivnom ugovara se nadležnost suda opće stvarne nadležnosti u Sarajevu.

VI OSTALE ODREDBE

Član 13.

Izvršilac nema pravo, u svrhu izvršenja ovog sporazuma, da zapošljava fizičke ili pravne osobe koje su bile uključene u pripremu zahtjeva za dostavljanje ponuda ili su bile u svojstvu članova Komisije za javne nabavke, najmanje šest mjeseci po stupanju na snagu istog.

Član 14.

Za sve što nije regulirano ovim ugovorom primjenjivaće se odredbe pozitivnih propisa kojima se reguliraju obligacioni odnosi u Bosni i Hercegovini.

Član 15.

Punovažne i obavezujuće su samo one izmjene i dopune ovog ugovora koje su ugovorne strane sačinile sporazumno i u pismenoj formi

Član 16.

Ovaj sporazum je sačinjen u 4 (četiri) istovjetna primjerka od kojih svaka ugovorna strana zadržava po 2 (dva) primjerka.


Za Izvršioca


Datum: 13.10. 2017. godine

Broj: 08-15264/17


Za Naručioca
Prof. mr. Mevludin Zečević, dekan


Datum: 12/10. 2017. godine

Broj: 05-41/112-17